

AKTI I THEMELIMIT DHE STATUTI
I SHOQËRISË ME PËRGJEGJËSI TË KUFIZUAR
“SKY ENERGY” SH. P. K.

KREU I

Themelimi, Emri, Objekti, Kohëzgjatja, Selia

Neni 1:
Data e themelimit, Emri dhe Themeluesit

Në Tiranë, sot më datën 29.03.2022, Ortakët e poshtëshënuar vendosën të krijojnë shoqërinë “SKY ENERGY” shpk:

1.JORGJI BASHO, i biri i Ilias dhe i Marikës, i datëlindjes 15.03.1976 ,me numër personal H60315230P lindur dhe banues ne Gjirokastër, madhor dhe me zotësi të plotë juridike për të vepruar,

2.PETRO BASHO, i biri i Ilias dhe i Marikës , i datëlindjes 01.06.1973,me numër personal H30601273D lindur dhe banues në Gjirokastër, madhor dhe me zotësi të plotë juridike për të vepruar,

3.LORENC BASHO, i biri i Ilias dhe i Marikës , i datëlindjes 22.11.1979, me numër personal H91122140E lindur dhe banues në Gjirokastër, madhor dhe me zotësi të plotë juridike për të vepruar,

4.MIHAL BICJA, i biri i Naumit dhe i Madianës , i datëlindjes 24.05.1980, me numër personal I00524174A lindur dhe banues në Tiranë, madhor dhe me zotësi të plotë juridike për të vepruar,

Neni 2:
Objekti

Shoqëria do të kryejë aktivitetin e mëposhtëm:

Prodhim dhe shitje të energjisë elektrike nga burime të rinvueshme (ujore, eolike,energjia dielllore). Projektim, ndërtim, instalim dhe mirëmbajtje e njësive të prodhimit të energjisë elektrike, parqeve eolike dhe foto voltaike,pajisjeve dhe sistemeve elektronike, elektrike, mekanike etj. Çdo aktivitet tjetër tregtar që lidhet në mënyrë të drejtpërdrejtë ose tërthorazi me objektin e veprimtarisë dhe që është në përputhje me legjisacioni në fuqi.

Neni 3:
Kohëzgjatja

Shoqëria do të ushtrojë aktivitetin për një periudhë kohore të pakufizuar, duke filluar nga data e rregjistrimit në Qendrën Kombëtare të Biznesit

Neni 4:
Selia

Selia e shoqërisë ndodhet në adresën Rruga:Kazazi”, Nd.3, Gropaj, Vaqarr,1041 Tiranë

Shoqëria mund të krijojë qëndra dytësore në të gjithë territorin e Republikës së Shqipërisë dhe jashtë shtetit në përputhje me legjislacionin e vendeve në të cilat ato hapen.

KREU II Kapitali

Neni 5: Kapitali themeltar

Kapitali themeltar fillestari i shoqërisë është caktuar në masën 100.000 (njëqind mijë) lekë. Pjesëmarrja e themeluesve në kapitalin e shoqërisë është në përputhje më kontributet e tyre të mëposhtme:

1. Ortaku themelues JORGJI BASHO, zotëron 30 % të kapitalit themeltar ose 1 (një) kuotë, me vlerë nominale 30.000 lekë
2. Ortaku themelues PETRO BASHO, zotëron 30 % të kapitalit themeltar ose 1 (një) kuotë, me vlerë nominale 30.000 lekë
3. Ortaku themelues LORENC BASHO, zotëron 30 % të kapitalit themeltar ose 1 (një) kuotë, me vlerë nominale 30.000 lekë
4. Ortaku themelues MIHAL BICJA, zotëron 10 % të kapitalit themeltar ose 1 (një) kuotë, me vlerë nominale 10.000 lekë

Kontributi i ortakëve do të jetë në para.

Neni 6: Zmadhimi dhe zvogëlimi i kapitalit

Kapitali i shoqërisë mund të zmadhohet nëpërmjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë, dhe në shërbime, nëpërmjet emërimit nga gjykata kompetente e një eksperti të autorizuar për këto kontribute në natyrë sipas kërkesës së administratorit.

Zvogëlimi i kapitalit realizohet me vendim të asamblese se përgjithshme njëjtat kushte që kërkohen për ndryshimin e statutit. Projekti i zvogëlimit të kapitalit u komunikohet ekspertëve kontabël të autorizuar, në rast se ka të tillë, të paktën 45 ditë përpëra datës së mbledhjes së asamblese se përgjithshme të thirur për të marrë vendim rrëth këtij projekt.

Zvogëlimi i kapitalit temeltar me një vlerë më të vogël se ajo e përcaktuar në nenin 5 të këtij statuti, e bën të detyrueshme marrjen e një vendimi prej shoqërisë për zmadhimin e kapitalit themeltar të paktën deri në vlerën minimale. Në rast mosbatimi të kërkesave të këtij paragrafi, cdo person i interesuar mund të kërkojë në rrugë gjyqesore prishjen e shoqërisë. Kjo prishje nuk mund të shpallet, nëse rregullimi është bërë ditën kur gjykata mblidhet për të marrë vendim.

Neni 7: Transferimi i kapitalit

Kuotat e kapitalit të një shoqërie me përgjegjësi të kufizuar e të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
 - b) shitblerjes;
 - c) trashëgimisë;
 - ç) dhurimit;
 - d) çdo mënyre tjeter të parashikuar me ligj.
2. Në rastin e kalimit të kuotave me kontratë, kontrata duhet të bëhet me shkrim.
3. Statuti mund të kushtëzojë kalimin e kuotave, veçanërisht duke përcaktuar miratimin e shoqërisë ose të drejtën e parablerjes në favor të shoqërisë apo të ortakëve të tjera.

KREU III ORGANET VENDIMARRESE DHE DREJTUESE

Neni 8: Organë vendimarese

1. Asambleja e përgjithshme është përgjegjëse për marrjen e vendimeve për shoqërinë për çështjet e mëposhtme:
 - a) përcaktimin e politikave tregtare të shoqërisë;
 - b) ndryshimet e statutit;
 - c) emërimin e shkarkimin e administratorëve;
 - ç) emërimin e shkarkimin i likuiduesve dhe të ekspertëve kontabël të autorizuar;
 - d) përcaktimin e shpërblimeve për personat e përmendor në shkronjat "c" dhe "ç" të kësaj pike;
 - dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
 - e) miratimin e pasqyrave financiare vjetore dhe të raporteve të ecurisë së veprimtarisë;
 - ë) zmadhimin dhe zgjedhimin e kapitalit;
 - f) pjesëtimin e kuotave dhe anulimin e tyre;
 - g) përfaqësimin e shoqërisë në gjykatë dhe në procedimet e tjera ndaj administratorëve;
 - gj) riorganizimin dhe prishjen e shoqërisë;
 - h) miratimin e rregullave procedurale të mbledhjeve të asamblesë;
 - i) çështje të tjera të parashikuara nga ligji apo statuti.
3. Nëse shoqëria mbetet me një ortak, të drejtat dhe detyrimet e asamblesë së përgjithshme ushtrohen nga ortaku i vetëm. Të gjitha vendimet e marra nga ortaku i vetëm regjistrohen në një regjistër të vendimeve, të dhënat e të cilat nuk mund të ndryshohen ose të fshihen.
Vendimet e parregjistruarët në regjistrin e vendimeve janë absolutisht të pavlefshme. Shoqëria nuk mund t'i kundrejtojë pavlefshmërinë të tretit, që ka fituar të drejta në mirëbesim, përvèç rastit kur shoqëria provon se i treti ka pasur dijeni për pavlefshmërinë, apo në bazë të rrëthanave të qarta nuk mund të mos kishte pasur dijeni për të.

Neni 9: Mënyra e thirrjes së mbledhjes së Asamblesë së Përgjithshme

1. Asambleja e përgjithshme thirret nëpërmjet një njoftimi me shkresë ose, nëse parashikohet nga statuti, me njoftim nëpërmjet postës elektronike. Njoftimi me shkresë apo me mesazh elektronik duhet të përbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpëra datës së parashikuar për mbledhjen e asamblesë.
2. Kur asambleja e përgjithshme nuk është thirrur sipas pikës 1 të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

Neni 10: Kuorumi

1. Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, sipas nenit 87 të ligjit " Per Tregtaret dhe Shoqerite Tregtare", ajo mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike, sipas parashikimeve të pikës 3 të nenit 88 të këtij ligji.
2. Nëse asambleja e përgjithshme nuk mund të mblidhet për shkak të mungesës së kuorumi të përmendor në pikën 1 të këtij neni, asambleja mblidhet përsëri jo më vonë se 30 ditë, me të njëjtin rend dite.

Neni 11: Administrimi

Administrator i shoqërisë është Z. PETRO BASHO,i datëlindjes 01.06.1973,me numër personal H30601273D lindur dhe banues në Gjirokastër, i cili emërohet në këtë detyrë për një afat 5 vjeçar me të drejtë ripërtëritje
Administratori emërohet dhe shkarkohet me vendim të asamblesë së përgjithshme të shoqërisë.
Tagrat e perfaqësimit të administratorit dhe çdo ndryshim i tij, njostohen në Qendrën Kombëtare të Biznesit.

Neni 12:
Kompetencat e administratorëve

1. Administratoret kane të drejtë të:

- a) kryejnë të gjitha veprimet e administrimit të veprimitarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- b) përfaqësojnë shoqërinë tregtare;
- c) kujdesen përmajtjen e saktë e të rregullt të dokumenteve dhe të librave kontabël të shoqërisë;
- ç) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimitarisë dhe, së bashku me propozimet për shpërndarjen e fitimeve, i paraqesin këto dokumente përparrë asamblesë së përgjithshme përmiratim;
- d) krijojnë një sistem paralajmërimi në kohën e duhur përrrethanat, që kërcënojnë mbarëvajtjen e veprimitarisë dhe ekzistencën e shoqërisë;
- dh) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- e) raportojnë përparrë asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimitarinë e shoqërisë tregtare;
- ë) kryejnë detyra të tjera të përcaktuara në ligj dhe në statut.

4. Administratorët janë të detyruar të thërrasin asamblenë e përgjithshme ne raste kur:

- sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- kur shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.
- kur shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.

Nëse asambleja e përgjithshme emëron më shumë se një administrator, ata e administrojnë bashkërisht shoqërinë.

Asambleja e përgjithshme mund të shkarkojë administratorin në çdo kohë me shumicë të zakonshme. Paditë, që lidhen me shpërbllimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

Neni 13:
Përgjegjësitë e administratorëve

Administratori është përgjegjës individualisht, ndaj shoqërisë dhe të tretëve për shkelje të ligjeve, për shkelej të statutit, apo për faje të kryera gjatë administrimit të shoqërisë.

Pasojat e marrëveshjeve të pamiratuara nga asambleja e përgjithshme që i sjellin dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.

Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit “ Per Tregtaret dhe Shoqerite Tregtare”, administratorët detyrohen:

- 1.a) të kryejnë detyrat e tyre të përcaktuara në ligj ose në statut në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimitarisë së shoqërisë në mjesid;
- b) të ushtrojnë kompetencat që u njihen në ligj ose në statut vetëm për arritjen e qëllimeve të përcaktuara në këto dispozita;
- c) të vlerësojnë me përgjegjësi çështjet, për të cilat merret vendim;
- ç) të parandalojnë dhe mënjanojnë rastet e konfliktit, prezent apo të mundshëm, të interesave personalë me ata të shoqërisë;

- d) të garantojnë miratimin e marrëveshjeve sipas dispozitave të pikës 3 të nenit 13 të ligjit “ Per Tregtaret dhe Shoqerite Tregtare”;;
 dh) të ushtrojnë detyrat e tyre me profesionalizmin dhe kujdesin e nevojshëm.
2. Administratorët, gjatë kryerjes së detyrave të tyre, përgjigjen ndaj shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.
3. Nëse administratorët veprojnë në kundërshtim me detyrat dhe shkelin standartet profesionale, sipas pikave 1 e 2 të këtij neni, janë të detyruar t'i dëmshpérblejnë shoqërisë dëmet, që rrjedhin nga kryerja e shkeljes, si dhe t'i kalojnë çdo fitim personal që ata apo personat e lidhur me ta kanë realizuar nga këto veprime të parregullta. Administratorët kanë barrën e provës për të vërtetuar kryerjen e detyrave të tyre në mënyrë të rregullt e sipas standardeve të këruara. Kur shkelja është kryer nga më shumë se një administrator, ata përgjigjen ndaj shoqërisë në mënyrë solidare.
4. Në mënyrë të vecantë, por pa u kufizuar në to, administratorët janë të detyruar t'i dëmshpérblejnë shoqërisë dëmet e shkaktuara, nëse, në kundërshtim me dispozitat të ligjit “ Per Tregtaret dhe Shoqerite Tregtare”,, kryejnë veprimet e mëposhtme:
- a) u kthejnë ortakëve kontributet;
 - b) u paguajnë ortakëve interesa apo dividendë;
 - c) u shpérndajnë aktivet shoqërisë;
 - ç) lejojnë që shoqëria të vazhdojë veprimtarinë tregtare, kur, në bazë të gjendjes financiare, duhej të parashikojë që shoqëria nuk do të kishte aftësi paguese për të shlyer detyrimet;
 - d) japid kredi.
5. Dispozitat e pikës 6 të nenit 92 të ligjit “ Per Tregtaret dhe Shoqerite Tregtare”, zbatohen edhe për paditë, që rrjedhin nga paragrafët e këtij neni. Këto padi duhet të ngrihen brenda 3 vjetëve nga kryerja e shkeljes apo nga zbulimi i saj.

KREU IV Viti finanziar-ekspertët

Neni 14: Viti finanziar

Viti finanziar i shoqërisë fillon më 1 janar dhe mbaron në 31 dhjetor.Përjashtimisht, viti finanziar fillon nga data e rregjistrimit në Qendrën Kombëtare të Biznesit dhe mbaron në 31 dhjetor.

Neni15: Ekspertët

Experti ka për detyrë që të kontrollojë të gjithë dokumentacionin kontabël të veprimatrisë ekonomiko-tregtare të shoqërisë, atë gjithëvjetor dhe atë në lidhje me kontrolllet periodike të ushtruara prej tij për rastet kur ai është ngarkuar dhe ka kryer një gjë të tillë I ngarkuar nga ana e ortakut te vetëm.
 Në përfundim të kontrollit eksperti kontabël i autorizuar përgatit raportin me shkrim për nxjerrjen e rezultatit të bilancit finanziar vjetor si dhe atë për kontrolllet periodike të ushtruara, të cilat është I detyruar që t'ja paraqesë e dorëzojë në kohë ortakut të vetëm për t'I shqyrtuar e miratuar mbi bazën e të drejtës vendimore që ka.

KREU V Prishja –riorganizimi i shoqërisë

Neni 16 Prishja dhe likujdimi

Shoqëria me përgjegjësi të kufizuar mund te prishet ne cdo kohe:

- a) kur mbaron kohëzgjatja e parashikuar në themelimin e saj;
- b) me vendim të asamblesë së përgjithshme;
- c) me hapjen e procedurave të falimentimit;
- ç) nëse nuk ka kryer veprimtarit tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 “Për Qendrën Kombëtare të Regjistrimit”;

d) me vendim të gjykatës;

dh) për arsyet e tjerë, të parashikuara në statut.

Ne kete rast asambleja e përgjithshme merr vendim me shkrim me te cilen parashikon menyren e likujdimit te shoqerise, duke caktuar një apo disa likujdatore dhe shenuar ne cdo dokument te nxjerre pre tij emrin e likujdatorit dhe emertesen "Shoqeri ne likujdim e siper".

Prishja e shoqerive tregtare ka si pasoje hapjen e procedurave te likujdimit ne gjendjen e aftesise paguese, me perjashtim te rasteve kur eshte nisur një procedure falimentimi.

Likujdimi kryhet nga likujduesit e emeruar nga asambleja e përgjithshme.

Nese asambleja e përgjithshme nuk merr një vendim per emerimin e likujduesve brenda 30 diteve pas prishjes, cdo person i interesuar mund t'i drejtohet gjykates per te caktuar një likujdues.

**Neni 17:
Riorganizimi i shoqërisë bashkimi – ndarja**

Shoqëria mund të ndahet, bashkohet sipas Vendimit të Mbledhjes së Përgjithshme të Asamblesë së Ortakëve, në përputhje me dispozitat ligjore të parashikuara në Pjesën IX të të ligjit "Për Tregtarët dhe Shoqëritë Tregtare".

**Neni 18
Baza ligjore**


Shoqëria do të zhvillojë aktivitetin e saj në përputhje të plotë me këtë statut dhe dispozitat e legjisacionit shqiptar.

Për sa nuk parashikohet në këtë statut, do të zbatohen dispozitat e ligjit "Për Tregtarët dhe Shoqëritë Tregtare", Kodi Civil dhe cfaredo ligji tjeter specifikik në Republikën e Shqipërisë.

**Neni 19
Mosmarrëveshjet**

Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për cdo mosmarrëveshje që mund të lindë midis Shoqërise dhe të tretëve, do të jetë kompetente Gjykata Shqiptare.

Ortaket e shoqerise "SKY ENERGY" " SH. P. K

Jorgji BASHO 
Petro BASHO 
Lorenc BASHO 

Mihal BICJA 